




85 жас



Құрметті Бейбіткүл Сәрсемханқызы!

Абай атындағы Қазақ ұлттық педагогикалық университеті ұжымы және өз атымнан Сізді және Сіз басқарып отырған Қорқыт ата атындағы Қызылорда мемлекеттік университетінің ұжымын 85 жылдық мерейтоймен шын жүректен құттықтаймын!

Сыр елінің төрінен орын тепкен бұл оқу ордасының жүріп өткен тарихы мен қол жеткізген жетістіктері баришамызға мәлім. Тарихы 1937 жылы сонау Қиыр Шығыстан Қызылордаға қоныс аударған Корей педагогикалық институтының негізінде қалыптасқан білім ордасы өмірдің сан алуан белестерінен өтіп, бүгінде дамудың көкжиегіне құлаш ұрған іргелі білім ордасына айналды. Озық үлгідегі материалдық-техникалық базамен жасақталған, ғылыми әлеуеті жоғары оқу орнының бүгінгі таңда қол жеткізген табыстары да аз емес. Бүгінде оқу үдерісінде білім алушылардың білімін бақылау мен бағалаудың модульдік-рейтингтік жүйесі, дистанциялық оқыту әдісі қолданылады және электронды оқу залы, кітапхананың электронды кітап каталогі, заманауи бейнесуретті мәжіліс залы бар университет Арал өңірінің жетекші білім, ғылым және мәдениет орталығы болып табылады. Шетелдік белді оқу орындарымен, оның ішінде Канада, АҚШ, Оңтүстік Корея, Түркия Республикаларының ең озық жоғары оқу орындары мен жетекші ғылыми орталықтары арасындағы әріптестік байланысты нығайтып, профессор-оқытушылар құрамы мен студенттер алмасуындағы тәжірибелеріңіз бен жетістіктеріңіз көпке үлгі.

Қорқыт ата университетінің бүгінде мақсаты айқын, 2030 жылға дейінгі тұрақты даму тұжырымдамасы бекітіліп, барлық ұжымның сол жолда аянбай еңбек етіп жатқаны бізді қуантады. Алтын арқауы үзілмеген, дәстүр сабақтастығы мен ұрпақ жалғастығын берік ұстанған қара шаңырақтың іргесі берік болғай!

Білім тарихында орын алған мерейлі мерекелеріңізбен! Ұжым мүшелеріне зор денсаулық, білім беру ісінде және шығармашылық қызметте толағай табыстар тілейміз!

Қымбатты Бейбіткүл Сәрсемханқызы! Сізге және Сіз басқарып отырған ұжымға Абай университеті атынан зор шығармашылық табыстар тілеймін. Бәсекеге қабілетті маман тәрбиелеу жолындағы еңбектеріңіз табысты болып, қашанда абырой биігінен көріне беріңіздер!

Құрметпен,
Абай атындағы Қазақ ұлттық
Басқарма Төрағасы-Ректор



Д.Билялов